



Das erste Theil.

40

Ja was sol ich von wunder sagen/
 Seine Tag er nie geschwommen hett/
 Doch ihms die not bald lehren thet.
 Er gundt sich vbers "wasser" nahen/
 Da das die zornigen Bauern erfahen/
 Schreien sie all mit grossen gremmen/
 Für war wir mögen vns wol schemen/
 Hatten darumb groß vngedult/
 Sprachen ist alls der Weiber Schuld/
 Du vngelück kamens hie zu massen/
 Seht / er schwimbt alls hinweg sein strassen/
 Sie sahen das Holz vnd wurden gewar/
 Das noch darinn stuck Haut vnd Haar/
 Von Füssen vnd Ohren / das war ihn lieb/
 Sie riefften: kom wider du loser Dieb/
 Hie sind dein Ohren vnd Hendschuch zu pfande/
 So hatt er zum schaden die schande/
 Doch ward er fro das er entgieng/
 Er fluchte dem Baum der ihn fieng/
 Gar manchen böse n wunsch auch thet
 Reinicken / der ihn verrathen hett.
 Das war das Gebett / das er da laß/
 Diweil er in dem wasser was.
 Der stram lieff schnell vnd trieb ihn sehr/
 Das er ein meil wegs oder mehr/
 Bald von dem Dorff geschwommen hett/
 Da er zu Lang aufstretten thet.
 Mit warheit ich das wol mag sehen/
 Ich hett nie elender Thier gesehen.
 Er meint sein Geist da auffzugeben/
 Hatt gar kein hoffnung lenger zu leben/
 Er sprach: Reinicke du böser wicht/
 Groß vnrecht mir von dir geschicht.

Ja

082

080

086

076

091

071

131

031

181

Ende

Anfang